

- sî pfâgen zir gewinne
harte vrennder sinne. 7195
- dehein koufman hete ir site,
ern verdurbe dâ mite;
dâ wurden sî rîche abe;
sî entlihen niemen ir habe,
in enwære leit, galt er in.
nû sehent ir wie selch gewin
niemen gerichen mege;
da entlihen sî stiche unde slege
beide mit swerten und mit spern;
desn moht sî nieman gewern. 7205
- 264 Vol unz an dâz halbe teil
des wuohs ir ère und ir heil.
ouch was ir wehsel sô gereit
daz er nie wart verseit
manne noch wîbe,
sine wehselten der libe
arbeit umb ère.
sine heten nie mère
in alsô kurzen stunden
sô vollen gelt vunden:
sî entlihen nie einen slac
wan dâ der gelt selb ander lac.
die schilte wurden dar gegeben
ze nôtpfande vûr daz lebn:
die hiuwens drâte von der hant
done heten sî dehein ander pfant
niuwan daz isen alsô bar:
daz verpfanten sî dar
ouch enwart der lîp des niht erlân
ern müese dâ ze pfande stân.

Haupt fâhst. gefellb.
1853, f. 9.
Zehf. 11, 7.